



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

S. Anicius Benedictvs à quibus ortus; & vnde Anicia Familia orta, & quare sic dicta sit. §. vij.

**urn:nbn:de:hbz:466:1-38372**

S. Anicius **BENEDICTVS** à quibus ortus,  
& unde **ANICIA** Familia orta,  
& quare sic dicta sit.

§. vij.



**BENEDICTVS** est igitur *Diuus Pater noster*  
**BENEDICTVS**, ex *Anicia* Fam-  
lia nobilissima Romana, quæ uti supra  
diximus, clarissima fuit etiam eo tempo-  
re, quo summa Romanæ Republicæ au-  
toritas penes Consules erat. *Anicios* vero originem  
suam à Troianis traxisse, auctor est quidam *Don Ma-*  
*ria*, in Epitaphio Leonis, filij *Petrileonis*; qui de *Ser-*  
*gesto* *Aeneæ* socio loquens, ab eodem longo Patrum or-  
dine *Perleones*, qui ante erant *Anicij*, progenitos refert  
sic inquit:

Quos *Sergestus* acer, patrum longo ordine  
fæuum,

Illustres animas, perque Ducum genera.

Mite genus hominû, sapiens, insigne, decorû,

Nominis antiqui consepelit tumulus, &c.

*Sergestus* enim ille, quem hic auctor ob pugne milita-  
ris peritiam *Acrem* appellat, fuit *Aeneæ* socius, de quo  
*Virgilius* 1. *Aeneidos* sic loquitur:

*Mnesthea*, *Sergestum*que vocat.

Huius *Don Mariæ* opinionem confirmare videtur, &  
constabilire Imperator *Iustinianus*, qui ex eodem san-  
guine *Anicio* lineam ducons, ubique *Aeneidam* se appel-  
lat

lat, ut videre est in eius epistolis in fine Chronici Casinensis excusis, & primo in illa quæ est ad Vigilium Papam, quæ sic incipit: In nomine D. N. I. C. Imperator Cæsar Flavius Iustinianus Aeneida, &c. Item in alia ad Placidum nepotem suum: In nomine D. N. I. C. Imperator Cæsar Flavius Iustinianus Aeneida, &c. repetuntur eadem verba & in privilegio eius, monasterio Casinensi dato, quod est fol. 205. Cui & consentit ipse Vigilius Papa, sic ad eum scribens: Pijssimo & Serenissimo victori, triumphatori, Flavio, Iustiniano, Constantino, Imperatori Augusto, Aeneidæ, Vigilius Episcopus sedis Apostolicæ senioris Romæ: &c. At Illustris D. Ioannes Petrus Villa de Canibus Messanensis Marchio, in tractatu suo quem de Inventione corporum S. Placidi Abbatris & Martyris, ac sociorum scripsit, non solum contendit Anicios ab Anysi Aegypti Rege, qui regnavit tempore Ozia Regis Iudæ, lineam consanguinitatis ducere, verum etiam sic ab eo cognominatos, & ex Anycijs, euphonia causa, in Anicios tandem commutatos fuisse. Alij, Anicios casu dictos existimant, quod Anu matre natus referatur, qui primus familiæ nomen dedit. Eius opinionis est F. Onuphrius Panuinus in primo lib. Anicia Frangipania MS. & nondum excuso, cap. 2. ubi dicit: Vetustissimi in Italia familiarum auctores, ab eventis nomina propria, & appellationes sibi assumere consueverunt, eademque postea posteris suis tanquam propria, & gentilitia relinquebant; ab

Anicio itaque Anicij. Isq; Anicius ita forte fuit  
appellatus, quod matre Anu, ortus esset, id est,  
Vetula. Hæc Panvinus, cuius sententia si vera esset,  
Anucij dicendi forent, & non Anicij. Ideo libentius ego  
illorum teneo sententiam, qui licet à quibus processerint  
Anicij non exprimant, certo tamen consilio nomen illis  
inditum asserunt, ut nimirum propter animi magni-  
tudinem insuperabilem, aliasque virtutes & in bello,  
& in toga spectatas, ac cognititas inuincibiles, accepto  
à Græcis vocabulo, Anicij, id est, Inuicti, dicerentur.  
Vnde & S. Gaudentius Brixie Episcopus, cum in prin-  
cipio sermonis qui inscribitur de Macabeis, ipsos Sanctos  
Macabeos cum Anicijs contulisset, infra subiungit:  
Nemini absurdum videatur, quod eos paulò an-  
te Anicijs comparauit, Anicij quippe ex Græco  
sermone, à nobis nuncupantur, Inuicti. Ab illo  
autem Anicio primo Familie auctore, instituti Milites  
illi Legionarij, qui ab eius nomine in Occidente inter Pe-  
dites, Milites Anicij, siue Inuicti Seniores: in Oriente  
vero inter Auxiliares Palatinos Equites, Anicij, seu  
Inuicti Iuniores nuncupabantur. De quorum numero  
fertur fuisse S. Georgius Cappadox, & Martyr, ut in  
eius vita legitur statim in principio: Eo vero tem-  
pore quo talia gerebatur, erat vir quidam nobilis  
genere in eadem prouincia Cappadociae, nomi-  
ne Georgius, ex ciuitate Mellena, Tribunatus of-  
ficium gerens, ex numero, scilicet, Illustrium pro-  
uignatorum, qui Græco vocabulo Anicij, Latine  
autem

autem Inuicti, siue Insuperabiles, dicebantur.  
Qui Inuicti seniores erant, ut auctor est doctissimus  
Guido Pancirolus I. V. C. commentariorum in Notitiam  
Imp. Occident. lib. 2. c. 22. ipsi in rubra parma, album  
cippum praeferebant, cui humanum caput praesini colo-  
ris, iubis Leoninis circumdatum praefigebatur, tribusq; cir-  
culis, albo, luteo, et rubro, margo umbonis erat circumdu-  
ctus. Qui autem Inuicti Iuniores, ut idem asserit cõment.  
in Notitiam Imp. Orientis, lib. 1. c. 56. in rubra parmae  
umbone caeruleum orbem, luteo circulo circumdatum ge-  
rebant: cuius marginem duo circuli, caeruleus, viridisq;  
ambiebant. Quo vero temporis interuallo hoc nomen  
Anicij sibi promeruerint, non facile est peruestigare.  
Primus autem, qui in historijs reperitur Anicij cogno-  
mento condecoratus, fuit Quintus Anicius Prænestinus,  
qui teste Plinio lib. 33. c. 1. tanta potentia fuisse perhi-  
betur, ut etiam illo tempore, qui erat ab Vrbe condita  
440. vel circiter, Romanis formidini fuerit: unde  
& ea de causa Reipublicæ hostis adiudicatus, in exilium  
actus sit. Sed reuocatus postmodum in Urbem, Aedi-  
lis Curulis, cum Cn. Flauio creatus est anno ab Vrbe  
condita 450. Huius filij, nepotes, ac posteri, à maioribus  
acceptum decus ita conseruarunt, & amplificauerunt, ut  
ex Anicia Familia amplius quadraginta Consules crea-  
tilegantur. Quorum omnium nomina, antequam ad ge-  
nealogiam texendam accedamus, ex Fastis, Capitolinis,  
Cassiodori, Panuini, Sigonij, Golzi, R. P. D. Hierony-  
mi Bardi Florentini, Monachi Camaldulensis, & præ-  
cipui

tipui nostri temporis historici, & antiquarij, R. P. Ca-  
 saris Baronij, & alijs instrumentis MSS. desumpta,  
 visum fuit hic adscribere, ut quoniam genealogiæ, ab  
 ipso suo exordio, seriem continuatam huius familiæ,  
 usque ad præfatum Quintum Anicium Prænestinum  
 in Scriptoribus non reperimus, ea ipsa genealogiæ vice  
 referantur.

ANICIANÆ FAMILIÆ CON-  
 sules Romani, & Prætores Urbis.

§. viij.

Anni Urbis.	Anni Christi.	
450.		Quintus Anicius Prænestinus, Ædilis Curulis.
584.		Lucius Anicius, L. F. M. N. Gallus; Prætor Urbis.
594.		Lucius Anicius, L. F. L. N. Gallus; Consul.
818. 66.		Anicius Cerealis Gallus; Cos. suffectus.
859. 107.		L. Tutius Anicius Cerealis; Cos.
919. 167.		T. Vibrafius Anicius Pollio; Cos.
929. 177.		T. Vibrafius, Anicius, Pollio. II. Cos.
968. 216.		Anicius Cerealis, Cos.
1029. 277.		Anicius Paullinus Q. F. Cos. suffectus.
1050. 298.		Anicius Faustus II. Cos.
1051. 299.		Anicius Faustus, Prætor Urbis.
1052. 300.		Anicius Faustus, Prætor Urbis.
1074. 322.		Anicius Iulianus, Cos. Primus Christianus.
1077. 325.		M. Iunius Cæsonius Nicomachus, Anicius Faustus Paul- [linus, Cos.
1078. 326.		Anicius Iulianus, Prætor Urbis.
1079. 327.		Anicius Iulianus, Prætor Urbis.
1080. 328.		Anicius Iulianus, Prætor Urbis.
1083. 331.		Anicius Paullinus, Prætor Urbis.
1084. 322.		Anicius Paullinus, Prætor Urbis.
1086. 334.		Anicius Paullinus Iunior, Cos.
1086. 334.		Anicius Paullinus, Prætor Urbis.
1111. 359.		Anicius Tertullus, Prætor Urbis.

Anicius